

梁

園

風

雅

梁園風雅卷十四

薛西原

五言律詩

藥室詠

四首

山階穿藥井石室置丹爐  
壁掛三天字函封五嶽  
圖僊人邀對酒玉女伴  
投壺但逐雲霄去無論  
日月徂

寂寥花水上結構羽人廬  
窗戶生雲間松杉映月  
虛犬靈因試藥鶴老解  
窺書長揖當塗客榮華  
不可如

自知靈氣舊轉覺道情新  
露濕星壇夜泉生藥院  
春青泥舍石髓丹醖起龍鱗  
若得金砂就還須贈  
所親

移牀開藥錄鍊玉閉丹房  
五石終朝轉雙瞳幾歲  
方壺中能駐景天上任飛光  
永得長生術將留不  
死鄉

臺上

臺迴通風榭窗虛近水城  
卷簾殘暑去攜手晚涼  
生碧樹藏雲暗銀河度月明  
醉來愁髣髴只作畫  
中行

送同年孔德裕歸省

秋來南國路羨爾采蘭歸驛雨霑青纜江花落綵  
衣閒居潘博士休沐謝玄暉他日徵才子相期入  
瑣闥

九日同何仲默出郊

九日登高會同人載酒來寒城一以眺秋色正堪  
哀零雨晨初霽浮雲午未開南飛有鴻鴈爲爾立  
徘徊

駕幸南海子

詔幸芙蓉苑傳言羽獵行三驅陪上將四校出神

兵列戟圍熊館分弓射虎城風雲日暮起偏遶漢  
皇營

春日禁中遇雪

紫禁春朝雪花飛綵仗新霧交隨雉尾風引避龍  
鱗掌濕金人立窗寒玉女顰翠華沾灑處遙憶屬  
車塵

元夕興隆寺觀燈

燈火金仙閣丹青繡佛筵叢林開寶樹大地出紅  
蓮梵鏡含明月天香襍彩煙諸公共隨喜吾醉欲  
逃禪

海棠畫扇

西蜀繁華樹春深亂蕊紅還憐綵扇上宛似錦城中  
影轉團團月香含細細風江淹才力減賦爾若  
爲工

送董侍御

同時多逐客而我獨憐君棄置勿復道淒涼不可  
聞風波一流落江海遂離分他日書相及常因西  
北雲

省中對雨答王允升

康樂愁霖唱平原苦雨詩故人歌此曲贈我慰相

思薜荔垂青閣芙蓉泛綠池今朝一尊酒最恨不  
同持

石經寺

翠巘雙林合丹梯一徑懸洞門臨地底石室與天  
連文字開龍藏金銀布梵筵茲山實靈異吾欲託  
棲禪

七月十五夜對月

娟娟涼風夕紛紛零露時秋來看明月風露已如  
斯一對西園酌兼懷康樂詩山中有桂樹今夜足  
相思

英國公山亭宴集

東第君王賜西園賓客來將軍元好士公子復憐  
才玉袖花間出金尊竹下開還須明月上莫畏夕  
陽催

八月十五夜翫月

樓敞含風氣筵開墜露文月從今夕滿秋向此時  
分影濕當銀漢光斜隔彩雲徘徊接新詠况是鮑  
參軍

雪

北極關山闊寒冬雨雪來霧沈玄菟塞風繞白龍



堆胡虜猶深入征人且未回遙思穆天子黃竹有  
悲哀

晦日夜集

晦日歸休晚良游惜後時却判長夜飲更賦早春  
詩雲霧窗中入星河閣上垂何須花與月行樂始  
相宜

江霞

春江變氣候孤嶼發雲霞散影搖青艸流文漾碧  
紗紅泥迷燕子丹洞失桃花水宿淹晨暮應憐謝  
永嘉

江雲

謝客弄春水江皋生彩雲紛紛初散綺葉葉漸成  
文蔽日皆相映流風乍不分何因可持贈欲以慰  
離羣

江花

百丈牽江路行穿夾岸花時憐一水曲遠愛數峰  
斜林下見垂釣溪邊逢浣紗武陵如在眼髣像羽  
人家

江猿

舟行轉江峽處處響哀猿極浦雲方合連山雨正

昏接條時自挂飲水復相援不待三聲盡先傷游  
子魂

夏日游道觀

隔竹窺丹洞臨池坐碧沙玉杵盛石髓翠籠貯雲  
芽展簾來風色吹笙上月華休論河朔飲詎似醉  
流霞

陳真人館中賞荷花作

別館瀛洲麗新花菡萏香紅衣迷日色翠蓋寫波  
光雨霽金塘溼風生石檻涼客來修竹下回首見  
瀟湘

九日游興隆寺

厭就騷人會欣投釋子家  
林風鳴貝葉徑露溼金沙  
宴坐依雙樹清齋服九華  
晚來歸客倦欲借白牛車

晚坐有懷

落日照櫳寒城煙霧中  
銜杯對衰菊流目送歸鴻  
未覺賞心廢但驚親友空  
遙遙此時恨萬里託秋風

謁茂陵祀孝貞太后

一棄東朝養千秋不復歸  
夜臺長寂寞月殿少光輝

輝野露棲金盃山風動玉衣茂陵多碧艸春日自  
芳菲

蕭氏園

徑狹寨棠處川平伏檻前華林一何麗碧水復相  
鮮魚鳥方堪狎纓綏頓可捐居然謝塵垢不待濯  
潺湲

送馬伯循

城隅飲餞地日暮朔風吹征鳥不返顧浮雲相背  
馳踟躕意何極歎息涕空垂世路今如此焉知後  
會期

重游蕭氏園

別此真如昨重游換物華  
粉滋曾倚竹紅淺舊看  
花沙阪繁林曲山籬逐水斜  
城南咫尺路未覺往來賒

西齋

西齋休憩地永日臥書帷  
燕舞隨風絮鶯啼集露  
枝病因閒自療春與醉相宜  
却悔牽行役年來忽去茲

郭外

郭外平蕪迴溪邊小徑斜  
客行迷野竹鶯語隔林

辛巳年九月十一日  
花多景每難遇孤游還自嗟佳期竟何許脈脈向  
春華

酬惟喬贈巾

野巾初著日心賞竟朝曛試正行窺水從欹臥看  
雲坐翻嫌月露出每避塵紛顧影還相笑風流媿  
使君

汎溪

避暑清溪曲舟行路不窮詩成孤嶼上酒盡夕陽  
中綠竹含秋色紅蕖送晚風歸來就明月移棹水  
雲中

秋夜

西園秋漸好晚眺倚山扉  
鶴語風生竹螢飛月滿  
衣乍憐幽意愜翻恨賞心違  
佇空林下中宵獨未歸

別墅即事

丘中輟耕牧挈杖返衡門  
落日茅茨暗秋天禾黍  
繁鄰人送卮酒小婦且盤餐  
念此信爲樂悠然懷故園

秋日溪上

何處窺秋色寒舟入水隅  
清波照鳬鴈寒露洗菰



蒲促迫悲生事登臨快病軀由來野人意終日羨  
江湖

環堵

環堵郊墟外衡門野道邊林昏罷風夜月白欲霜  
天落魄隨身世棲遲失歲年平生有微志今已愧  
前賢

丘中

返照丘中路孤煙水上村野田荒蘚色沙岸落潮  
痕日短賸書卷天寒頻酒尊定知無客到不必掃  
柴門

負郭

負郭茅堂小臨溪竹圃斜山尊攜野客魚網曬鄰  
家荒徑封殘雪疎籬透晚霞預思春到日著處種  
桃花

會飲興隆寺分韻得涼字

把燭尋山徑開尊掃石堂風流初邂逅露坐轉清  
涼竹樹寒雲色花林宿雨香高談真絕倒無假問  
津梁

五言排律

寄崔內翰

病起身仍健秋來興不孤心情那可減肺氣欲全  
蘇蟻穴依牀席蛛絲織畫圖寨帷窺物色依杖理  
荒蕪撥悶憑詩卷忘形付酒壺昔賢遺軌躅餘力  
誓馳驅良史傳經術高才繼典謨赤鯨凌海水翠  
鳳上天衢仙籍通羣帝文星近六符馬遷慚實錄  
劉向謝醇儒玄覽來神契冥搜入奧區蓬萊披琬  
琰太乙下虛無顧我唯書肆知君類說郭憲章崇  
闕里辭賦陋鴻都東魯宮牆闕西京戶牖殊百家  
流汜濫六藝混泥塗未睹崩頽振深思筆削扶飛  
騰愁失墜衰颯迫號呼落落親朋遠悠悠歲月徂

提携如有分終願託微軀

寄何中舍

翰墨何顛顚英靈有屈伸千年關氣運一代出精  
神夫子興篇什聲名動縉紳波瀾含詭譎刻削露  
嶙峋李杜那堪數曹劉不足陳無人宗大雅舉世  
擬凡倫文學元同列風騷自有鄰新章標創始舊  
例起湮淪已覺空前輩懸愁絕後塵價卑皆咄咄  
力怯謾逡巡綺麗才難並湛冥道所珍逍遙歸母  
氏杳眇入天人霄漢心常遠神仙意獨親緒言存  
著作大業負經綸蹤跡升沈隔交情契合真過逢

頻下榻離別劇沾巾去國仍初服還鄉似昔貧  
丹房天上藥酒肆世間身青瑣辭通籍滄洲憶問津  
儻逢桐柏隱訪爾故山春

北狩

秦皇巡海右漢武幸關東昔悵千秋跡今看萬乘  
雄期門陳後苑清道出離宮霧遶旄頭黑塵翻豹  
尾紅天營屯斗極御氣下雲中射獸關支雪焚山  
瀚海風縈纓驅雜虜載筆扈羣公此日燕然石長  
刊北狩功

送周侍御子賢

萬里牂牁路炎州百越南懸梯穿鳥道流沫下龍  
潭赤阪龍鬣出玄崖日月含虹霓蒸海氣煙霧灑  
春嵐飛猺綠篁竹垂猿墮石楠橘花香細細藤刺  
綠氍毹嶺外青驄馬臺中白筆簪秦冠高鐵柱漢  
節照金函行邁應多暇登臨素所耽江山增藻思  
物色助清談送遠方無緒憂時且不堪安危廷諍  
地遲子促朝參

寄題延陵吳長史山居

魏苑芙蓉沼梁臺修竹園徐陳游上國枚馬集名  
藩奉筆陪清宴鳴笳託後軒中年辭侍從故里臥

丘樊江左風流遠  
延陵世澤存  
玉泉連乳穴  
仙洞闕雲根  
選地營茅棟  
披榛啓華門  
溪聲隨杖屨  
山翠落琴尊  
鴻寶傳遺術  
離騷念舊恩  
秋風懷帝子  
春草憶王孫  
朱邸空招隱  
滄洲已避喧  
幽人不可見  
桂樹獨攀翻

送劉遵教僉憲之河南兼河北兵備

暫輟臺中妙兼分閫外名  
兩河開幕府萬里作長城  
卻穀真堪帥穰苴雅善兵  
追奔立表待傳檄踞鞍成  
盜賊空三輔煙塵掃北平  
間閭無夜警部曲有春耕  
風勁吹龍角雲輕抱翠旌  
遙占猛將氣偏

逐使君行

賦得張公洞壽吳封君

羽客尋仙地靈丘開洞天雲根宛自裂風穴遞相  
纏合沓藏丹磴玲瓏散紫煙珠林秋不落赤日夜  
長懸鳳吹俄云去龍車豈再旋福庭還似昨真氣  
獨蕭然石圻燒金竈苔荒種杏田非公復棲遯闕  
寂此山川

恭讀嘉靖改元詔書十二韻

四海艱虞日孤臣慟絕時武皇遺後命興國兆前  
知劒佩迎朱邸絲綸發玉墀訐謨關社稷惠澤被



博螭九廟垂玄貺三靈翼聖期飛龍同利見鳴鳥  
佇來儀當代鴻圖永先朝泰運衰羣兇累帷幄萬  
姓苦瘡痍哲后膺神器宗臣備鼎司惟新占舉措  
早辯愼安危魏闕心空切文園病轉滋淹留吾不  
恨感激自成悲

七言律詩

臥病貽友人

漢代無才賦子虛病來空臥茂陵居終年祇學五  
禽戲早歲渾忘三篋書林下網蟲懸墜葉墻頭蔓  
艸落寒渠日日思君欲乘興濠梁何處好觀魚

訪孫世其敘飲

苑內明河垂裊裊城邊暗月上  
微微不辭懷抱今宵盡無奈  
賓朋此地稀萬里飄零同臥病  
三年邂逅一霑衣燕山楚水遙  
相望目斷天南鴻鴈飛

王明叔同年夜集

映燭吟詩春霧生開簾窺雪夜  
寒輕花邊仙吏雙鳬舄雲裏瀛  
洲五鳳城對酒已拚連夕醉相  
思不奈隔年情官河南望冰潭  
綠愁見蘭橈送客行

寒食對雨遣悶

一百五日春已深閉門風雨晝  
陰陰乍飛燕子濕

無那欲坼桃花嬌不禁歸去久淹滄海興愁來端  
擬白頭吟天涯節序堪愁思更遣蕭條斷客心

贈鄭繼之

長安城中不可留風塵日日使人愁上書解印我  
將去拔劍出門君且休五嶽登臨幾兩屐三江來  
往一扁舟東西南北好行樂與爾相隨萬里游

孫氏沱西別業

巴陵西來沱水深水邊樓閣自陰陰  
黿鼉夜出洞庭岸虎豹晝啼雲  
夢林風塵鬱鬱竟誰語江漢悠  
悠真我心避地欲從何地隱買山應就此山岑

送許伯誠侍御之江南

金門散吏著書成，烏府僊人攬轡行。  
七國早時先報捷，三吳今日尚屯兵。  
錦帆深駐芙蓉苑，紫蓋高懸虎豹營。  
久擬功名望公等，願看風采慰蒼生。

送李子中

洞庭山前水滿湖，爾行乘舸向東吳。  
宦遊兼不廢丘壑，燕坐真成在畫圖。  
歷歷村墟垂橘柚，層層洲嶼散菰蒲。  
即看秀色增江國，勝寄新詩入帝都。

五言絕句

宮中樂

偶過昭陽館雕櫳閉絳紗卷簾通一笑落盡滿庭  
花

折楊柳

三月盧龍塞沙中雪未乾朝來折楊柳春色憶長  
安

通許館對初月

花上月纖纖蛾眉映繡簾從今三五夕相伴客愁  
添

泉源

泉源不可到想像青雲杪由來此路遥莫恨遊人

少

流觴渠

流觴汎激水手攬跳波濕恰怪杯行遲風吹忽相  
及

城南梅開簡友人

郭外新梅樹春風吹欲殘未能攜酒出幸爲折花  
看

早秋

爲愛新秋至朝來步水濱微風猶未起涼意滿青  
蘋

晚春

日長鶯語歇中酒眠高閣  
庭院寂無人春風掃紅萼

七言絕句

奉同王浚川海上雜歌

四首

天鷄啼處夜生潮東望蓬萊翠霧消  
紫貝高爲雲外闕青龍盤作日邊橋

石門雙闕入蓬瀛日日惟看雲霧生  
白蜃吹霓晴後見翠虬銜月夜中行

海上三山影倒垂風吹波動錦漣漪  
雲屯對出神

仙闕地底雙開日月池

白鶴東飛去不迴不知何處是蓬萊漢皇虛築迎  
仙觀羸帝空餘望海臺

奉同何大復苦熱行

二首

草堂低小只三間日日炎蒸不暫閒初驚滄海臨  
湯谷更訝朱陵入火山

三年臥病楚江扉六月池臺滿眼稀玉笙樓上含  
煙霧只許僊人醉酒歸

雪

四首

流風迴雪滿蓬萊繡幕珠簾萬戶開內殿平明催



設宴玉京深處翠華來

綠水初冰百子池飛花正滿萬年枝君王夜醉瑤  
臺雪侍女冬歌白紵詞

玉人燕國舊傾城對雪臨風更有情鏡裏新妝爭  
皎潔筵前垂手學輕盈

苑外樓臺遶狹邪雪中歌吹競繁華美人合舞明  
珠佩俠客爭馳白鼻騮

梁園風雅卷十四

梁園風雅目錄

高蘇門

五言古詩

三十六首

七言古詩

二首

五言律詩

七十四首

五言排律

十首

七言律詩

十九首

五言絕句

六首

六言絕句

六首

七言絕句

二首

梁園風雅卷十五

雍丘趙彥復

東郡汪元范明生校

高蘇門

五言古詩

歲暮作

旦夕茲歲改蕭條旅思多雲物媚晴宇氣候屬妍  
和崢嶸新陽至故景實蹉跎感時豈不懷二紀倏  
焉過棲身慚擇木望道歎伐柯如匏吾自繫匪玉  
孰爲磨有髮日就長心短獨若何但云畢風志唯

力豈知他

再調考功作 二首

弱冠發大梁慷慨多奇志師事鳴臯子擔簦竊自  
異幾窮柱下策頗識辟中字雖非國士才通人嘗  
予器始辱狗監知終奉龍門勢弛負歸中朝持戟  
備末位孤根難爲容名過易生累一官歲再移彌  
取簡書忌眷然懷夙昔回首日增媿

引疾三上書微願不克諧徙官復在茲心迹一何  
乖軒裳日待旦閭閻凌雲排入屬金馬籍出與羣  
龍偕積賤詎有基履榮誠無階但惜平生節逾久

浸沈埋既妨來者途誰明去矣懷鳥迷思故林水  
落存舊涯惟當尋素業歸臥守荆柴

贈西原

平生好篇章抗迹匹古人上望建安風退沂開元  
津夙心空十載長懷莫予親家本握剗刷文思效  
經綸恭承時嘉會中朝邁俊民興文方棲鳳著書  
準獲麟置足述作場發藻何彬彬心賞始一遇神  
交邁千春將登昔無岸言卜今有鄰分離忽迫茲  
辛苦何能陳晤對不可期咄嗟動我神本抱中孚  
爻俄傷明夷辰子其崇爾德攄光垂不泯

生日

年往望空除時來循虛至明兩無留晷吹萬有逸  
氣我行淹一周茲辰適再值束髮歲更七算齒紀  
將二少懷滄洲心壯損青霞志淮禽終異化魏瓠  
始同棄五游存予歡三費亡吾忌達生庶不疚乘  
流隨所寄

代贈李使君兵備齊郡

執象流玄化包虎息金革還憂十二郡選屬備疆  
場獨資樽俎士折衝展奇畫陽文辨赤土陰符訪  
黃石坐控負海險時蒐孟諸澤功成象岱泰洪烈

歸竹帛光命祇今辰申贈繞朝策

古歌

荆和當路泣良璞爲誰明  
茫然大楚國白日失兼  
城燕石十襲重魚目一笑輕  
古來共感歎今予益  
吞聲

病起偶題

空齋晨起坐歡遊罷不適微雨東方來陰霤倏終  
夕久臥不知春茫然怨行役故園芳草色惆悵今  
如積

謁海上人相

京邑驅匹馬日有塵沙顏清晨整巾幘時叩高僧  
關白日照仙閣晴雲滿空山相看偶一笑念此客  
身閒富貴不可求余將從此還

登真定大悲閣

關山千餘里平分南與北臨路兩悠悠客子情何  
極青山地北橫白日天南落欲緩故園思聊憑最  
高閣

送別伍庫部謫居

開秋庭樹落旅館日已涼高空氣蕭條萬里鴻鵠  
翔子有江南行離別結中腸貧病憂方集無能具



一觴平生寡交遊遠此盡分張讒言亂白黑賢聖  
昔徬徨顧我賤且愚如君則何傷榮名不足爲憂  
患莫可量聖朝非棄才大君如虞唐茲邦佳山水  
遨遊保樂康窮達難預謀願君履其常

簡袁永之獄中

本同江海人俱爲軒冕誤子抱无妄憂余有多言  
懼昔來始青陽今此已白露豈乏速進階苟得非  
余慕罪至欲何言直以愚慵故衆女競中閨獨退  
反成怒追誦古時人蒙冤誰能愬皇心肯照微與  
子齊歸路

元日同谷子延賦

雄都盛賓客車馬爭馳騖芳辰啓初年宴飲多所  
務不知灌園身何爲迷方誤郊館抗空壑山扉啓  
峻路良朋平生歡就我今朝步城因並舍登徑爲  
穿林度微陰原上明片日雲中露青霞照深池白  
雪停幽樹共貪歲欲新不厭日旋莫農田方在茲  
君豈數能顧

再同子延上方寺賦

已忝陽春遊再陪瓊瑤作首歲與君同名區踐初  
約芳風散入林陰靄遞相薄微雨點春城流雲蕩

仙閣樓當望遠立酒共馮高酌樹裏梁王臺水際  
夷門郭伊余本孤蹤事主乏明略偶因負郭田解  
印歸丘壑閒居道心增日戀空門樂安得拙病軀  
放達長此託

敘懷

伊昔追弱冠奮足參賢豪衣褐出下國脫輓造中  
朝聖期開九五河清在一朝升龍假玄淵鳴鳳託  
芳條五從宰府辟連荷公叔招名過有瑕顙道在  
無矜驕猶全不肖軀解冕來消搖

移樹道上

春園就蕪穢雜樹生蒙密不知雨露功長養何多  
術婆娑使人憐斬伐終余恤乘時聊徙植于以託  
吾室交生兩相當列映直如一轉令門巷新遂放  
雞豚出修修原上風團團邨邊日紛吾本寒劣兼  
爾抱憂疾敢學成都桑而謀荊州橘願及垂陰成  
初志儻此畢

少年行

死士結劒客生年藏博徒里中夷門監牆外酒家  
胡有時事府主無何擊匈奴虎頭一侯印猿臂兩  
雕弧誓使名王侍羞聞邊吏誅長驅隨汗馬轉鬪

出飛狐蒲壘遂破滅莎車不支吾甲第起北闕蠻  
邸開東都豈學嫖姚將椒房仗子夫

春日行

大隄花欲然芳郊草不歇冶服誰家子良辰爭馳  
突寶劔本侯家金鞭自俠窟共矜百金裝相誇千  
里骨雲散歡未終月明還城闕朱門徒御稀青樓  
歌管發倡女盡朱脣貴主俱鬢髮衣向車中更燭  
從坐上沒誰論牆東生白首羞干謁

答谷司僕見問

幸自返中國非關逃微祿方因疾病餘龜勉共樵

牧春至東郭田夏來北林木時從遠原上日縱平  
郊目野老逢與言道書閒能讀何爲共世人無事  
相追逐勞君問出處日莫掩茅屋

曉還城休左氏莊

與君枕隄日共結東城廬日出蒼林背回看十里  
餘柴門通大道邨巷隔平墟主人心無事見客頭  
未梳累言唯農務一飯但園蔬方當數來往肯爲  
容籃輿

九日登城樓宋故都門

佳節倚秋城朋曹晚相逐竊憐坎壈心暫寓登臨

目日落故鄉杯霜寒遊子服百里覽山河千年看  
陵谷生欣盛時康追歎亡王促帝功頽九五霸氣  
消百六猶能識宮觀但見登樵牧縱酒在高樓悲  
歌對喬木身同司馬病懷異步兵哭舉頭望長天  
萬里來鴻鵠默尋階除降獨去歸茅屋

逢友人

幾年別京縣昨日詠歸來本無奔蹏用且養擁腫  
材窮巷在東郭柴門臨路開經時到城市累月迷  
蒿萊傳君渡漢口八月朝天回鞍馬落秋風賓客  
滿高臺相尋重款聚相慕屢遊陪客舍不灑掃衣

冠多塵埃歡然握手笑對面無嫌猜方思在霄漢  
賓友如雲雷春天浮屠館夜雨皇州杯鷦鷯各善  
賦鸚鵡皆天才看君振藻翰江鮑力能裁聲華俱  
美矣懷抱何悠哉而我獨病困于今翻自吟長鳴  
戀儔匹蹇步安駑駘賞心夙豈在離恨茲仍催故  
園乘秋景黃葉紛如摧長天隨道路落日徧城隈  
贈言無終極蓄意獨徘徊

秋夕

問年有短髮逐世無長策日已遠人徒秋方臥阡  
陌天高星流火夜久月生魄萬形觀此化四運愁



相迫身非塞北翁情是周南客聊齊得喪心安此  
留滯迹

曉出前林

理櫺聽鳴禽  
褰帷望朝旭  
悵然登前林  
煙芳紛滿  
矚秋晴  
帶餘陰  
夜雨生新綠  
道勝絕  
紛華情  
愜關  
幽獨在天  
羨白雲  
凌風慕黃鵠  
賞心久已違  
感此  
勞中曲

夏夜同袁德延騎出宿邨家

景落息炎氛  
輕策稍相試  
微風送林木  
皓月臨平  
地路遠忘前期  
情愜隨所至  
田父止我宿  
茅屋勸

客醉起步中天空仰對明星次一貪雞黍筵三歎  
前賢意軒冕愁束縛江海傷顛顛且願爲老農敢  
謂辭高位明發返故墟努力看身事

酬左舜齊林中冬夕見寄之作

二首

霜葉落漸空暝鳥飛俱罷出門歲已闌倚樹人方  
暇映月眺煙郊了自見茅舍下有飯牛朋商歌滿  
初夜

攜手自京都歸心乃疇昔豈不戀明恩久持金門  
戟今日故園身殘歲空堂夕含情亦何言塵來挂  
東壁

宴王禮部紹甫諸君

寒日轉高館微晴冬朔餘窮巷多冰霜車馬盈我  
廬良朋四方來各擅當年譽言論吐中堂溫如春  
華舒枚鄒久不存梁苑爲丘墟千載得斯人燕好  
同其初嘉會不可常古人言豈虛有酒今不歡歲  
晏情何如

歸途大名晚行

客心冀早安川途爭晚涉水宿阻風湍宵行問舟  
楫時見遠邨明月出荒城堞良時余幸遭青瑣官  
常攝已多絳灌毀而無金張業來往路將疲出入

心獨怯夜夢守舊廬勞懷先已愜

省中夏日述懷

聊遣塵事營宴坐適心歡重門永日影開簾新雨  
殘山城方覺暑水木湛生寒夕氣冒川澤晴霞映  
林巒顧懷職司憂眷然發長歎華居豈不崇斯人  
詎獲安先民計日食所戒在空餐薄俗匪足矜要  
使寸衷殫

歸次南關驛作

祇役忽于今經途宛如昨秣馬息荒林振車越重  
壑歲暮滯還期客心悵不樂曰子本沈冥遭時乃

落化海異微禽蟠泥豈尺蠖方因遷斥餘始遂  
歸來諾逝將入雲峰滅迹從所託

讀史 二首

蕭生抗奇節立語忤當時解劔誼不辱抱關身敢  
辭伯喈涉叔世髡放久流離董氏握天憲臨命何  
狐疑知死亮難塞猖獗反受嗤雄傑在末位逆曳  
恒足悲結髮事天子兩絕良無期全生忌衆怒庶  
與哲人知

傅子夜蛾感張公、海燕篇撫膺慟來路發憤睹遺  
編憂來每側足患至豈息肩巢由旣在野沮溺亦

在田達人貴先識懷寶乃稱賢

讀書園始遊覽

伯成善養志沮溺無仕心惜余不及古逃祿歸空  
林林空杳靜默抗宇疏高岑排戶羣木秀浮階大  
壑深發書玩農術作歌學樵音輟耕空隴上徐步  
荒城陰身悲離羣獸自感歸栖禽雖微貞士操絕  
軌猶足尋役形多衆患遺物無或侵儻偕彭氏老  
異世開吾衿

自西園移向城東稍幽寂

微生無定蹤擾擾誰爲慮始營西郭居復戀東郊

住東郊長幽寂野徑迷行處茅宇繞疎籬空階垂  
茂樹是時仲夏中林雨開殘曙無人敞深扉永日  
多新趣臥聽遠春聲起看前邨路兀傲不知非翻  
恨來茲暮如何玄豹姿更隱他山霧

雜詩

悲風乘夕興木落歲方晏肅肅鴻鴈征悄悄客心  
羨王途悵多違三歲餘力倦興懷念故閭撫事夙  
衷見平生素絲姿豈爲玄黃變知我亦已稀誰論  
貴耶賤

七言古詩

寄亳州薛考功

少年不識字持戟仕金門萬事蹉跎豈自料一官  
顛顚與誰言上書昨日辭天子還從闕下歸田里  
束縛始自重爲人激昂尚欲酬知己不悟名輕世  
果然翻嫌計晚身如此便爾深林學遜栖家貧那  
免仗耕犁腰鎌暮向夷門北倚杖朝過莘野西伐  
木手營一茅宇披榛力灌幾藥畦篋中筆硯無時  
把肘後詩書坐嬾題往往頑癡衆所疑悠悠端合  
困明時聞君解註五千字宅畔仙窟定所知此日  
低頭應笑我平時開口却爲誰



初泛漢江東嶺使君邀飲習池

大堤兩岸春流滿峴山十里銜日晚新雨深沉洲  
嶼移餘霞明滅川途遠南來鞍馬背高城泛舟始  
作漢江行總轡昨朝當寒食鼓枻今日值清明清  
明寒食愁江路逢人乍問栖泊處楊柳深垂渡口  
喧桃花淺映邨頭暮襄陽使君乘暇日邀飲習池  
酒興逸然燈清夜歌管鳴吹角蒼波魚龍出去國  
未覺客身輕乘流翻恨風帆疾別君轉入江湖長  
明發解纜情如失

梁園風雅卷十五

梁園風雅卷十六

高蘇門

五言律詩

省中春夕

纖月升庭樹柔風動四榮坐窺宿鳥至微悅觸幽  
情南國流鶯滿西郊春草生歸歟假羽翼長路起  
遐征

明月引

滿地金波迴中天玉鏡飛有烏多夜語無鴈不春  
歸影徹銀河水光翻織女機何當御尊酒常此奉

澄暉

初去都夜

泛舟當日落解佩及春歸病比相如是情方叔夜  
非暖雲蒸海氣殘月吐洲暉今夕孤懷客誰云伴  
少微

安肅縣寺病居漢陽董玄亮見過

門前易水路下馬漢陽人野寺天晴雪他鄉日暮  
春相逢一尊酒久別滿衣塵不憚王程急應憐伏  
枕身

謝病後初朝

舊識趨朝路重來謁帝庭出門聽曉漏立馬望春  
星拙病身仍在羈栖志少寧盛時誰不戀終日憶  
山垌

寓居慈仁寺遊覽

終日仙宮掩青松繞殿遮到來長春草行坐落天  
花閣上王城盡門前官路斜微身隨處是何敢歎  
無家

毘盧閣上同伍疇中諸公西望

客來常一上對此西山平向夕簷楹立憑空閣道  
行楊花飛暮野雨色動春城却戀同攜手都忘羈

旅情

飲任文選宅

敢謂齊年齒常嗟夙抱心文章知汝在交契爲誰  
深華屋春燈豔層城夜柝沉賴蒙終夕語客路一  
開衿

與鄒生遊香山宿僧房

遽愁春草歇驅馬春山中夜宿禪關下時將心賞  
同風生近谷滿月照前湖空終媿淵明輩玄言對  
遠公

華嚴洞上夜作同鄒生

宴坐最高頭馮巖散客愁俯聆玉泉響仰眺金波  
流伐鼓山堂夕焚香石殿幽與君學栖遯他日更  
相求

送別家兄張掖門時謫開州

垂泣一相送臨途無限情功名何物是流落此心  
驚夢裏窺鄉樹愁邊滯帝城終朝誰復語猶去戀  
塵纓

送仲實黃門扶持還固始

一路通淮水從親千里餘到門繫舟楫登岸啓園  
廬洲富千頭橘溪深盈尺魚明光待起草且莫賦

閒居

送別德兆武選放歸

燕郊秋已甚木葉亂紛紛失路還爲客他鄉獨送  
君罷歸時共惜棄置古常聞莫作空山臥令人望  
白雲

中秋同栗夢吉飲

罷酒俱不樂開簾望北軒寒星出戶少秋露墜衣  
繁散步憐新詠平居想故園空庭今夜月客思豈  
堪言

歲暮答許武部廷議懷歸



掩閣日愁晚他鄉歲已深未能逃世網豈是戀朝  
簪以我不如意憐君同此心故園春事及歸路儻  
相尋

至日省中

慣逐官僚後欣逢郊禮嘉蒙恩賜冬假拜手慶年  
華暫亦依朝馬閒唯待暮鴉人言郎署好畢竟未  
如家

齋居偶題

自免知何病重來尚此身愁多長畏客官拙竟隨  
人日鎖空庭印風添滿几塵山田薄亦好不去豈

關貧

始至讀書園

疲茶違時好歸來踐夙歡  
田園深自託朋舊有相  
寬挂鉞尋耕耒刈林選釣竿  
亦知身寂寞長冀賞  
心觀

子修侍御見過時謝病

郊扉臨巨壑野日照晴空  
柳色春衣上波光曉鏡  
中當軒留駟馬出戶倚  
雙童欲問朝簪嬾人今臥  
病同

呈劉西陂先生將按部洛陽道出小園

喧言洛陽去，阜蓋首行春。尚枉柴門步，應憐伏枕身。  
柳條簇官騎，雪色沒征輪。公問袁安事，平生解避人。

晚步

出門還自笑，復此欲誰親。惆悵邨頭樹，歸來路口人。  
風聲兼亂葉，日氣抱遊塵。豈不躬耕苦，東看自有莘。

與客遊宋戴樓城門九老泉上

草屨相攜處，田家水郭間。林風動衣帶，泉色照容顏。  
軟草留堪坐，芳花折與還。春城一散罷，車馬更

難攀

得張子家書

晚日照餘晴荒亭暗復明歸雲度深樹飛雨過高  
城寒劣慚當代栖遲笑此生空持一書札長歎故  
人情

楊州門主人

空林一葉落茅屋幾家秋對酒涼風至開簾古木  
幽相看還自笑欲去爲誰留正此夷門下休猜姓  
是侯

和汝南見過

晚日留仙轡涼風勸客尊偶然擊筑伴依舊抱關  
門樹落千重葉蓬吹萬里根病身一如此誰念在  
孤邨

東臍偶題

皂帽遼東客青門漢代瓜寧知汴水上更有野人  
家中服臨秋換壺觴自遠賒閒身與逸興並向物  
情誇

友人設飲病不赴

荒邨猶病臥空媿故交深復有高堂宴無如伏枕  
心寒郊懸日影平楚帶秋陰向夕東城望寧知佇

立吟

送別蕭司勳

柴門夜語罷惆悵出前林  
曉日孤邨映秋風落木深  
別來生白髮歸去換思心  
還復茅簷下朝朝鳥雀吟

偶題

久爲南畝客況此北窗時  
翻笑陶元亮應多歸去辭  
涼風昨夜起殘雨夕陽移  
坐臥身無事茫然生遠思

曉起

惆悵空堂曉蕭條秋氣陰懸窗對疎雨落葉滿重  
林長往懷仙事端居養道心誰知歲復晚高志莫  
能尋

簡李伯材

抱病敢稱隱端居祇自驚林皋白露下庭際綠陰  
生偃蹇時方笑蹉跎歲屢征惟君重幽賞共此郊  
園情

晚出曹門北道

晚日郊關迴寒冬筋骨勞不知臨曠野何事走平  
臯斜路孤邨引空園亂木高歲闌今去臥誰認在

蓬蒿

冬日西園

泱泱空寒野蕭條只舊林登高時送目望遠日愁  
心世與身爲累貧將病轉深無能學表蓋閭里共  
浮沉

西園再酬谷子延

茅屋還相見冬郊那可聞荒城連凍浦落照與寒  
雲遠樹行時倚歸途到處分留君終日語猶自日  
思君

谷司僕田黃門諸公見過



山林高士駕雞黍野人心不避家貧饌難忘歲暮  
尋寒城雲際擁晴樹雪中深誰念平生意幽栖獨  
至今

武城漕河逢張使君考功舊寮

岸折留餘照舟行趁晚風歸心千里倦行役一時  
同置酒蒼波上停橈綠樹中思君如河水何日不  
朝東

文水縣驛鉅讀王司僕德徵詩因和其韻  
長途無驥足短髮有漁舟感歎如同日羈牽自去  
秋寒燈知客意鳴柝亂人愁屏上山川記何因認

汴州

清源縣作

行縣時方暮山城歲弗登寒燈斜暗壁夜雪灑空庭  
案上閒周禮囊中貯呂刑吏情那可道歸去幾時能

施同寺是日奉陪弗及

樓閣丹青上煙虹石壁重雨餘淨香界天際響疎鐘  
汾水當階次綿山即近墉題詩人不見驄色亂雲峰

盤陀驛再用沁州壁韻

乞歸又晚計，奔命尚如今。  
九折無良術，三鑽豈夙心。  
客程任春草，官舍即晴林。  
便作窮途哭，闌干淚溼襟。

井陘道中

曉霜塗屋重，寒日出林微。  
改轍辭邊徼，登車望帝畿。  
深山藏驛道，巨壑斷邨扉。  
欲問前征侶，迷津何處歸。

寒食定興雪中

二月鶯花少，千家雨雪霏。  
可憐值寒食，猶未換春衣。  
積水生空霧，高城背落暉。  
忍看楊柳色，從此去。

王畿

星軺驛雨中別林八南還

驛外陰雲合窗中宿雨含  
深巖龍自鬪險路馬能諳  
短髮星星甚長愁日日堪  
休將南望淚歸傍二親談

再赴晉陽太行山上作

祇役方如昨銜恩更此年  
可憐客鬢改應厭馬蹄穿  
萬壑深蟠地孤城上捫天  
東南回眺處愁絕故園邊

避雨五嶺山

鳴雨斷還續連山下復高踈慵元自慣登頓爲誰  
勞問館投身促防崖著足牢客程憐若此終念反  
林臯

再過紫巖寺

受事方從北持車還向西青林含日影赤阪造天  
倪宦味同雞肋官程任馬蹄蒼崖摩徧認隔歲幾  
行題

平定城東西交口用壁間韻

敢言觸熱倦悅此午陰長蘭氣清林薄蒲風散野  
塘高陵堪下馬怪石欲成羊可念征途侶題詩徧

驛堂

宿八角

嚴更金柝起杪歲玉關寒行侶時相問邊程進更  
難歸心惟日夜客鬢已星殘仰悟中林羽投枝亦  
未安

晚趨忻口

雲峰聊極目立馬獨愁心豈直關山遠其如雨雪  
深笳聲先入夜邊氣迴生陰疇昔長征意蹉跎力  
不禁

途經五臺山不及攀游

客路迂回甚驅車悵此分懸崖晴度日洞壑晚生  
雲怵迫非吾意悲歡與衆羣終當臥靈岳夙志豈  
徒云

鳴謙驛夏夜

閒館草生徧芳林夏氣清月華何泛濫天宇益空  
明嬾慢本吾性羈栖非我城投冠還舊里庶此達  
人情

沁州張源鋪

去國三年意還家此日心天寒客路永日暮衆山  
深沙塞人偏老風霜馬不禁如何更萬里投迹楚

江陰

量移湖南用文谷韻

歲暮邊隅客歸來見此身馬蹄穿欲盡虎穴到爲  
鄰漳水經塗舊湘潭去路新我生豈斷梗逐處任  
飄淪

襄縣城東即事

春晴汝岸曲夜雨襄祠東日出冥濛霧天垂斷續  
虹關梁臨水閉馳道與山通旦夕龍輿度干城望  
幸中

龍泉鎮作



落照寫澄潭石梁水半含可憐雨氣歇復與天光  
涵客路乘春景人家映夕嵐我行殊未倦彷彿見  
荆南

呂潭境上

連山望不極况復楚雲長萬樹含春色孤邨帶夕  
陽解鞍當古戍投袂及空堂去國日方遠懷君意  
敢忘

中秋無月

三五唯今夕煙霜斷昔歡埋輪潛泣兔掩鏡暗翔  
驚風地金天徹星樓子夜寒客衣素已變不分向

明看

秋思

涼風今日至鴻鴈欲南征  
衣緩他鄉帶心翩故國  
旌圍荆愁外死池草夢邊生  
會挽高飛羽凌天寄別情

送許廷議

孤嶺鬱蒼蒼龍沙出塞長  
千金收駿骨萬里厯羊腸  
雲就親庭色星分使路光  
亮爲汲長孺隨力護封疆

駕出

帝出南郊日言觀黃屋尊選神役風伯徒樂具雲  
門馳道青陽麗齋居紫氣屯九朝祠禮祕歸待從  
臣論

駕入

萬乘因春駕千門洞曉扉鸞旗紛旣至龍馭宛來  
飛日月隨靈璽星辰撫帝璣還同受金策六觀紫  
宮歸

海口

海路連天極河流繞國門氣迎朝雨至川束衆流  
奔隱霧行隨豹搏風坐辨鯤乘桴意何限揚楫倍

傷魂

東郊雨中柬士量

閒居甘絕跡  
疎雨對芳原  
念欲開青眼  
誰還共綠尊  
林煙旁舍午  
野色遠邨昏  
自笑平生意  
無人空閉門

秋郊雨後

空闊容秋望  
虛徐步晚曛  
夷門新夜雨  
太室半晴雲  
犢放前王地  
身閒野客羣  
鳥來幽興愜  
誰語遣相聞

喜蕭司勳表比部見宿山園

上客何時見中國  
屏臥幽門連華野  
樹路轉信陵丘  
共坐深林晚紛看  
落木秋非君憐病  
侶誰向此淹留

刈禾了晚望

禾黍空場圃秋風  
滿近田出門看曠  
野倚杖向高天  
嵩嶽孤煙直蓬池  
落日圓醉歌有鄰  
叟共笑夕林前

九月六日元玉侍  
御汝愚都使上方  
寺閣官曹雖異迹  
梵宇忝同遊預有  
重陽酒兼當故國  
樓登臨殊憶昨疲  
病颯驚秋不借空  
門樂那寬北

望愁

元玉送至河上夜飲作

野館接芳筵客心尊酒前終知臨路別且戀對牀  
眠近壁燭殘夜開簾星滿天鄉園猶在眼臥此已  
三年

人日省中同正夫

官閣晴雲滿春庭夜雪沾綠尊應汝伴白髮爲誰  
添多病能相惜微官敢自嫌流光無奈此日日客  
心淹

進兵介休

卷旆輕風發趨程落日懸重來介子縣還渡魏侯  
川吏道堪頭白兵戈正眼前親交齒盡落歸計只  
年年

除夕

殘歲何俱盡微情浩不窮引卮留夜色燒燭候春  
風旅跡孤蓬倦離心衆草同勞歌無處語楚水正  
飛鴻

鄭師周石邨卷題

結構依嶙峋幽深自可親雲峰連海嶠泉澗達江  
津獨立迷山鬼端居養谷神何須羨谷口君即子

真身

送別袁永之

冠蓋中朝舊田園野客扉異時梁苑地今日長卿  
歸疲疾馮秋健歡娛悵遠違須知獨耕處一望使  
星暉

九日有懷家工部兄

無客荆扉掩蕭然病臥時荒邨夜聽雨佳節曉吟  
詩鴻鴈銜書少黃花對酒遲楚山萬餘里今日最  
相思

五言排律



御溝魚

鯨沼滄溟派龍池禁籞流錦鱗何灑灑素水日沉  
浮地接皇仁渥天容品庶優風雲終有氣綸餌始  
無憂江使聞遭宋波臣或泣周詎知沕穆理得坎  
故悠悠

秋夜直省中

鵲繞瞻階樹雞栖入省臺蒙煙仙署合懸月瑣闌  
開伏枕南天遠聽笳北地哀潘生應髮變司馬倍  
腸迴爲木同先伐積薪異後來無言秋夜永申旦  
自徘徊

冬夜寄友人

客地殊不樂，褰裳夕望通。  
葭灰欲變節，桂魄幾乘空。  
楚奏今維切，商歌古亦窮。  
兔園推上客，狗監數文雄。  
留滯無萱草，扳援有桂叢。  
何因辭世網，去矣作冥鴻。

送張比部允清歸養

鼎食思歸養，拂衣歡遂初。  
深辭西署寵，獨守北山居。  
伏臘趨庭屢，鄉閭進壽餘。  
架樓藏紫誥，閉戶讀丹書。  
吳嶠秋成橘，江門日薦魚。  
親顏老更悅，取樂欲何如。

送太宗伯介溪公南都十二韻

露板承歡渥天書拜寵靈  
春官典邦禮風后佐王庭  
出入登三事遭逢起一經  
持衡人莫眩講殿帝親聽  
妙思黃華句雄篇繡補銘  
龍文生赤汗鸞翮奮青冥  
暫枉神都遠同追祖帳停  
二京分化理八座備儀刑  
仙擢花催發官途柳爲青  
微生荷翦拂孤迹困飄零  
空謝伸眉日多愁短髮星  
公還衆所祝強飯念朝廷

次韻田水南見過之作

夜雪連窮巷朝來片日暉  
故人停駟馬問我掩雙扉

扉自出知誰是相看能爾稀  
家僮釀酒熟獵伴射禽歸  
草具成賓饌木棉對客衣  
歲寒心不淺日暮意難違  
客興催花發農功候鳥飛  
期君前浦泮預指釣魚磯

再次權店

攝官強四月被役乃三來  
把炬尋山路傳餐就水隈  
憂荒早頭白忍事竟心灰  
客姓途人記官程驛吏催  
梁園即此路何戀不南回

贈亢思謙入會試因寄京師同遊

函谷投繻日靈光著賦年  
古人猶汨沒今汝遂騰騰

騫神寶初開璞龍媒早受鞭通衢千里駛美價十  
城連藝苑才如此離堂意杳然行收金馬績高視  
碧雞篇京邑多朋舊同聲若爲傳

宴別文谷先生赴祁州

擾擾時相見悠悠遽遠辭離居不可道行役且焉  
之歲晏冰霜厲天寒鼓角悲軍城數杯酒官舍滿  
篇詩感激多新調飄零最苦思才高世總棄名在  
衆方推暫識風塵色行霑雨露私郡齋暇北眺猶  
接帝京陞

題馮正伯卷

太息高蹤客誅茅滄海邊同來負鼎日共憶挂瓢  
年梁父龍初臥南山豹正眠有纓濯孔性無楫濟  
商川才爲蒼生屈名緣赤紱牽九臯空唳羽七水  
但流絃僕類蓬南轉情同橘北遷途中曳尾地輟  
外涸鱗天仰視鷗應嚇却驚鼠可憐重尋顯志賦  
長揖願歸田

七言律詩

酬家兄秋日讀書平臺見憶之作

予在長安初授衣平臺誰共偃郊扉青天寺裏客  
應到李白祠前葉欲稀旅舍再驚鴻鴈至離心常

雲暗道周但有鄉心隨處是題詩人滿驛前樓

過真定呈周中丞

萬國朝正屬歲繁上游要害此邦存使臣北下頒  
銅虎質子西來啟玉門自是霜威清道路無須雲  
騎護郊原宋都鎖鑰真堪寄漢代扶風未足言

飲平定孫太守宅奉贈時壽八十二

榆關月出滿晴暉留客芳尊盡夜歸本戀青山辭  
虎竹甘垂白髮守漁磯藥闌傍戶花香入藤樹當  
庭葉露微便向磻谿問衰健周王仍欲夢熊飛

偏頭關傳節度宅守歲

深堂絃管雜邊聲。幕府宵嚴，刁斗鳴起舞。更衣聊自慰。歡歌縱酒，不勝情。關河絕塞，催寒盡，烽火連山。照夜驚改歲，不辭征戍，遠其如客病臥邊城。

南關晚行

笳聲入晚不堪聞。驛路山腰，向此分。洞壑空濛，秋雨雪巖崖突兀，石生雲。愁心胡馬，方頻入，寓目冥鴻。定幾羣歸興轉，從今日盡，將因沙塞著微勳。

漢江春日舟中

漢皋微雨點人衣。江路南衝，鴈北歸。寓目不堪愁遠，涉投身方自媿。高飛纜牽蘅杜，多春氣。船泊雲



霞變夕暉未許笠蓑同楚父來逃榮祿守漁磯

將歸蘇門山題王度支誠甫潼川卷

十年出入紫宸班多病空知戀北山塵鬢獨憐爲  
客倦道心長共野僧閒行窺白石尋初徑坐對青  
松守舊關惆悵王孫不歸去潼川桂樹許誰攀

秋日

閣道涼風日已嚴空庭落木曉相添病身虛擬秋  
來健客路真驚歲尚淹北海鵬風猶未徙南山豹  
霧合終潛悠悠感事徒增歎歲暮誰從季主占

星軺驛

萬山詰曲此孤亭，遠客西行暫所經。  
生事不堪頭早白，世情無賴眼常青。  
深林落日憑軒望，亂葉吟風隔坐聽。  
寄謝尉羅當日者，高飛今已入冥冥。

五言絕句

延津縣立春

征路日纔幾，客心時已煩。  
春風花鳥處，回首憶田園。

漳河上元日寄呈後渠

落日銅臺北，獨行南望頻。  
鄴城今夜月，燈火可憐春。

至蘇門山

空山暑氣少臨水夏雲多  
照影人將老愁心在夕  
波

靈石山行

長路天俱遠高山日易昏  
強餘瘦馬意垂首戀君  
恩

題東門壁

試走夷門道徘徊念此身  
抱關空有客虛左竟何  
人

淇上

旅館值芳辰留連淇水濱猶憐官道柳滿目故鄉春

六言絕句

夏日林枋田家

六首

手疏偶然辭主腰鎌率爾爲農今日田園自許平時車馬相從

雨後千家競似雲中萬木齊高路口來過杖策牆頭方挂挈臯

芳樹不知冬夏荒城何計春秋有客今辰攜手無人終日科頭

輕屐會臨池上方牀好坐林間酌酒壺乾未已賦  
詩坐久忘還

斜日深林度鳥微風亂柳鳴蟬茅屋人歸水際柴  
門路繞天邊

欲笑於陵逃井還輕顏闔移家顧我何營世務對  
君但惜年華

七言絕句

送馮廷評還闕用韻

銀鞍白馬使臣尊賓從如雲晉北門滿目邊城春  
草綠因君長憶帝京原

定州道

夾岸新楊映廣津  
客行無緒獨愁人  
故園亦有千頭樹  
二月中旬返水濱

梁園風雅卷十六